

Minister di Infraestructura Otmar Oduber ta spera cu pa 2019 lo celebra apertura di John F. Kennedy Center




ORANJESTAD (AAN): Minister di Infraestructura Otmar Oduber a bisa cu firma di acuerdo pa expansion y renovacion di John F. Kennedy School ta un momento hopi special y importante pa esnan cu ta traha den area di educacion, pa plannan cu pa hopi aña tabata riba mesa, cu pa 21 aña e edificio di John F. Kennedy School a keda abandona y despues di wordo afgekeurd. Varios intento a tuma lugar,

y aña pasa na September AIB a cumpra e edificio y a paga gobierno un suma di 5.8 miyon florin.

Segun Minister Oduber, hunto cu e inversion cu lo tuma lugar y basa riba loke treci dilanti den renegociacionnan, no ta trata di cambio di gobierno pero cambio di proyecto den prioridad. Y esaki ta un prioridad pa hopi aña caba, tabatin un acuerdo existente entre Gobierno y AIB pa wordo firma na September,



sin embargo e tempo ey, no tabata tin envolvimento di Minister di Enseñanza, y ora a acerca su colega Minister Lampe y su equipo, a percura tambe pa diferente combersacionnan tuma lugar riba e proyecto, pa asina e edificio bira uno eficiente na prome lugar, cu por logra un productividad mas haltu, door di acumula tur departamento cu den momentonan aki ta hopi reparti riba henter Aruba. Y cu meta ta tambe, base riba negociacionnan, pa reduci y scapa casi un miyon florin den e proceso aki, cu ta completamente na



beneficio di comunidad di Aruba. Minister a agrega cu si tabatin un acuerdo firma, cu no tabata contene firma di Minister di Enseñanza, pero si tabata kita placa for di post di Ministerio aki, y nan ta kere cu esaki no ta corecto. Minister Oduber a enfatiza cu esaki ta un di e proyectonan cu ta cla

pa cuminsa, di varios cu ta pendiente. El a gradici esnan cu a pone di nan banda y nan confianza den Gobierno pa realiza proyectonan cu ta na beneficio di comunidad, educacion di Aruba. Y e ta spera cu pa 2019 por celebra apertura di John F. Kennedy Center.